




Kronika • Iruñeko UEUko ikastaroetan beroa nagusi izan arren, ikasteko gogoz dabilta bertara hurbildu diren gazteak

Erreportaia • Uda giroan murgildurik, kale antzerkiak protagonismoa izango du hainbat herritan

JAIK Madalenak • ARRIGORRIAGA •

Aukeran, UEUko «beroa» nahiago

Iruñeko bero saparen arrimoan ikasi nahiago omen dute ikasleek Kariben egonean egotea baino

Irene Arrizurieta / Iruñea

SAN FERMIN ondorengo ajea pasatzera joanak dira iruindar gehienak. Hiria bakarrik utzi ez arren, aurten ere UEUko tropela etorri da, eta, harekin batera, ohitura bihurtzen ari den bero sapa eta sargoria. Aurreko bi urteetan bezalaxe, 2000.ean ere ikastaroak Iturrama Institutuan egiten dira, eta otordua, loa eta aisialdirako ekitaldiak betiko egoitza izan den Larraonako ikastetxean.

Ane Sarasua UEUko idazkariaren, zein ikasle eta irakasleen «kexa» bakarra Nafarroako hiriburuan tenperatura hartzeko termometroa hain goian egotea da. «Goizeko 08:30etan oso ondo egoten da, baina 15:30etan oso txarto, baina ohituta gaude Iruñera etortzen garen aldioro horrelako giroa egiten digu eta», dio Sarasuak etsiturik. Eskerrak saio osagarriari yoga ikastaroa gehitu dien, Iruñean egunotan egiten duen beroarekin lokartu ezinik dabilenarentzako aproposa.

Taberna mukuru

Korridoreetan lasaitasuna eta geletan seriotasuna dira nagusi, baina 11:00etatik 11:30etara egiten duten atsedendian tenperatura igotzen den moduan, eraikinoko bolumena ere, batez ere Karrikiri Iruñeko euskaldunen elkarteak institutuan paratu tabernara hurbiltzean. Itxoinaldian taberna mukuru egoten da, ordurako beroak ongi jotzen baitu institutuan eta nolabait uxatu behar dituzte izerdiak eta egarria. Gose izanez gero ere, ogitartekoak jateko aukera ere badute ikasle eta irakasleek.

ANE SARASUA Beroa

■ ■ ■ «Goizez oso ondo gaude eta 15:30etan oso txarto. Iruñera etortzen garenean giro hau egiten digu»

Ikasleek Iturramako azpiegitura eta harrera nahiago dute, euskal hiztunak direlako bertakoak. Dena dela, bada nostalgikorik. Otorduak, loa eta ekitaldi osagarriak ez ezik, ikastaroak ere Larraona ikastetxean nahi lituzke. Hala ere, ohiko «goxotasuna» ez duela galdu uste du Sarasuak. «Barnetegi kutsua garrantzitsua da, astebeteko 25 orduko ikastaroaz gain, badu aukera 24 orduz saio osagarriak euskaraz egiteko, eta urtean zeharreko ikasgaiak beste modu batean emateko aukera dute».

Oporrak eta jakintza uztartuz

Ikasleek baliagarria zaien zerbait ikastea nahiago omen dute Karibeko irla bateko



JOXE LACALLE



JOXE LACALLE

Tabernan giro aparta egoten da atsedendietan, eta geletan tentuz entzuten dituzte irakaslearen esanak.

hondartzan eguzkipean edo itzalean egonean egon baino. Informatikako ikasleak atera berriak dira klasetik. Hitz gutxikoak eta gehienek grabagailua ikusirik izutu eta ospa egin dute. Ahots tratamenduaren instrumentuak ikusten egon dira eta gaiak

mutu utzi ditu nonbait. Dena dela, bat harrapatu dugu. Donostiako Ibaeta fakultateko ikasle batek Matematika saiotik piper egin, eta informatikakora joan zen. Gaueko giroa eta besteekin ezagutzak trukatzeari atsegin duelako aspaldi-

tik dator Iruñera. «Gaueko giroa eta ikastaroak uztartzea oso zaila da, baina goizean halabeharrez jaiki behar dudanez jasaten dut» dio. «Giro onaz gain, garrantzitsua da etortzea jendea ezagutzera eta zer lanean ari diren jakiteko», erantsi du.